

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Historiae ecclesiasticae saeculi ... XVI supplementum**

**Fecht, Johann**

**Francofurti et Spirae, 1684**

**VD17 VD17 3:315948Z**

III.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

optimo ac felicissimo, & ad studia & ad lucubrationes exuscitato ac impigro: ita moribus quoque admodum placidis, sedatis compositis & integris est, alienus ab omni protervia & improbitate, & commercio malè moratorum sodalium, gaudens à lectionibus & exercitiis publicis se abdere in Musæum, & libris affixus esse, denique se continere, *ἑωυτόθεν καὶ τὰ ἴδια ἀσχέται.* Talem enim ego ipsum semper hic deprehendi, & eo nomine, ut & propter alia dona, ac doctores ingenii, & virtutes ex eo elucescentes, omnibus bonis semper charus fuit. Is cum non ita pridem partim ab Inclyto Senatu, partim ab aliis quibusdam Mecænatibus, sumptus ad studia necessarios impetravit (eos enim à matre vidua, patre ante triennium peste defuncto, habere non potuit) apud vos solidiorem scientiam comparare cupit. Proinde, quanto possum, studio à te peto, ut bono huic adolescenti, oblata occasione, succurrere consilio, conatus ipsius honestos promovere velis. Hoc beneficium adolescens ille, & ego, & multi à lui boni viri gratis animis agnoscent, inque id incumbent, ut grati & memores inveniantur. Optime valeas, Reverende & Clarissime Vir, Domine, amice & frater plurimum colende, cum conjugè honestissima & liberis dilectis. Datum Ulmæ, ultimo Aprilis, Anno 1600.

Dignitatis Tue

Studiofissimus

Johannes Wesenbeccius, D.



III.

S. Reverende & clarissime D. Doctor, amice vetus & observande.

Lætor, te cum conjugè & liberis rectè valere, Deumque oro, ut diu superflitem te sibi & Ecclesiæ suæ servet. Gratas quoque tibi, quantas possum, maximas ago, quod filium meum, Matthæum, in convivium tuum receperis & de honestissima Pædagogia ei prospexeris. Spero, eum operam daturum, ut gratam mentem tibi tuisque, & fidem ac diligentiam discipulis suis probet. Et te valderogo, ut ipsi sis loco patris, & quid eum facere velis, libere moneas & errantem corrigas. Orbati sumus dextero oculo Academix nostræ, Viro incomparabili, D. Chytræo, cujus memoria sit in benedictione. Ante ostituum gener ipsius, D. Frederus, desperato morbo laboravit, è quo sensim eluctatur. Nunc pauca mitto scripta funebria. Ubi cætera prodierint, illa his adjungam.

Bel-

A. 1600.

PARS SEPTIMA.

789

Belgicas novitates haberem quidem, sed describere in hac festinatione non licet. Dubitatur, an Albertus vivat vel mortuus sit. Admiralius captus est, Vexilla hostibus erepta 113. utrinq; 9. millia ceciderunt, bis mille Hollandi, Hispani præcipui & flos exercitus ipsorum decussus est. Mauritius plæraque Castella occupavit & Niportum speratur brevi expugnaturus. Sed forte vos certiora isthic habebis. Carolus Dux Sueciæ, non nomine quidem, sed re Rex est. Renunciatio fertur brevi futura. Cum Lubecensibus tractat de conditionibus pacis. Polonicus exercitus à Maximiliano fufus scribitur. Interim Turca se recolligit, ut exhaustos bellis intestinis facilius opprimat. Reverendum & Clarissimum Virum, D. Johannem Pappum, officiose saluto, meo & generi, D. Davidis Lobeckii nomine, cui pervelim filium Matthæum data occasione de meliore modo ac forma commendes. Bene vale cum honestissima conjuge & tota domo, Dat. Rostochii, 7. Augusti, ao. 600.

T. R. S.

Val. Schachtius.

IV.

*Salutem per Christum, Reverende & clarissime Domine  
Doctõr, frater in Christo honorande, & plurimum dilecte.*

Spero & opto, te cum honestissima conjuge ac liberis rectè valere, ac filium meum Matthæum in officio suo fideliter fungi, Deumque oro, ut suo spiritu nos omnes doceat & gubernet. Gratias, quantas animus concipere possit, maximas tibi pro indebita erga me & filium benevolentia & multiplicibus beneficiis ago, & referam precibus & aliis officiis, quæ præstari a me poterunt. Illusterrimus princeps noster Uldaricus laborat de Doctõre Davide Rungio, in locum D. Chytræi substituendo, a quo mei Collegæ non abhorrent. Superintendens Lubecensis, M. Pouchenius ante mensẽ piè in Christo obdormivit status istius urbis & Ecclesiæ satis deploratus est. Carolus Sueciæ gubernator cum exercitu in Livonia arces aliquot occupavit & Rigenibus etiam bellum denunciavit. Rex Scotiæ mirabiliter servatus, & ex manibus duorum comitum, vitæ ipsius infidiantium, sanguivolentis vix liberatus est, quos minister ipsius, unum post alterum, ad orientes regem strictis gladiis, confosos interemit. Apud nos omnia mediocria. Filio meo sis pater & vale

Ggggg 3

cum